

UTICAJ KOMERCIJALNOG PČELARSTVA NA NAŠ EKOSISTEM

Prema podacima, posljednjih 50 godina populacija medonosnih pčela porasla je za 45%.

Međutim industrija meda ne pomaže u očuvanju naših ekosistema, već stvara dodatni pritisak na divlje pčele i smanjuje njihov broj.

Pčele medarice mogu aktivno naštetiti populacijama divljih pčela, jer se izravno natječu za nektar i polen. Kada se pčele medarice pojavljuju u velikom broju, mogu protjerati divlje pčele iz područja.

Pored toga, pčele medarice su izuzetno učinkovite u sakupljanju polena, ali malo prenose na biljke koje posjećuju. One su mjerljivo manje učinkovite u oprašivanju od divljih pčela.

Znači, industrija meda iz perspektive okoliša doprinosi samom problemu za koji mnogi misle da pomažu kupnjom i konzumacijom meda.



Organizacija VivaBiH kroz svoj rad promovira benefite veganskog načina života odnosno etičke, ekološke i zdravstvene razloge prelaska na veganstvo.

Za sve dodatne informacije, možete nam pisati na naš email ili neku od društvenih mreža.


 info@vivabih.org

 VivaBiH

 vivabih

 VivaBiH

 VivaBiH

 vivabih.org



**NE BAŠ SLATKA
ISTINA IZA
INDUSTRIJE MEDA**

[#StvarniZivotPceliceMaje](https://www.instagram.com/StvarniZivotPceliceMaje)

ZAŠTO SU PČELE VAŽNE?

Oprašivanje je temeljni proces za opstanak našeg ekosistema, a pčele su izuzetno važni oprašivači.

Gotovo 90% divljih cvjetnih vrsta biljaka u svijetu potpuno ili barem djelomično ovisi o oprašivačima, zajedno s više od 75% prehrambenih kultura i 35% poljoprivrednog zemljišta.

Više od 1/3 hrane koju jedemo oslanja se na oprašivanje koje vrše pčele.

ŠTA SE DEŠAVA SA PČELAMA?

Populacija pčela i ostalih oprašivača je u padu širom svijeta.

Broj oprašivača u Europi je u posljednjih 30 godina smanjen za 3/4.

Ako se ovaj trend nastavi, voće, orašasti plodovi i mnoge povrtarske kulture će biti sve manje dostupne.



NEETIČKA PČELARSKA PRAKSA

Kao i u svakoj industriji, industrija meda je vođena profitom, te je dobrobit pčela sekundarna u odnosu na dobit.

Pčelarske prakse su okrutne, neodržive i ugrožavaju živote pčela, kao i našu opskrbu hranom.

Kada pčelari uzmu med iz košnice, zamjenjuju ga sa kukuruznim sirupom koji je znatno lošiji za zdravlje pčela, jer mu nedostaju esencijalni mikronutrijenti meda. Zbog toga, pčele neumomo rade kako bi nadomjestile med koji nedostaje, iscrpljujući se i umirući u tom procesu.

Ostale neetičke prakse uključuju i umjetne oplodnje, gdje se 8-12 trutova zgnječi i iz njih se izvlači sjeme koje se ubrizgava u maticu.

Radi identifikacije, matici se podreže jedno ili oba krila, jer to sprječava odlazak pčela radilica, što bi smanjilo proizvodnju meda u košnici, a i sam profit.

Pored toga, košnice se uništavaju pred zimu, jer je to jeftinije nego osigurati hranu za pčele tokom zimskih mjeseci.



IZABERI VEGANSTVO ZAŠTITITE PČELE I SPASITE NAŠ EKOSISTEM

Živjeti suosjećajno, znači koristiti svaku priliku za smanjenje patnje svih životinja, bez obzira na njihovu vrstu.

Pčele koriste med kao izvor energije koji je prepun hranjivih tvari koje su potrebne da pčele ostanu zdrave. One prave i pohranjuju med u velikim količinama za hladne zimske mjeseci kada nema cvijeća, to je njihov alternativni izvor hrane koji osigurava njihov opstanak.

S obzirom na to da je njihova populacija u stalnom padu, nikada nije bilo boljeg vremena da se odreknu proizvode od pčela.

Za razliku od pčela, ljudi mogu živjeti bez meda u svojoj ishrani. Srećom, postoji čitav niz dostupnih veganskih alternativa za one koji vole slatko. Sirupi od hurme, maslačka, javora i agave su sve održive opcije, bilo da vam je potreban proizvod za pečenje, kuhanje, kao zaslađivač za piće ili da pojedete kašiku iz tegle.

Kroz naše male svakodnevne izbore drugih slatkih opcija pomažemo pčelama i vrednujemo živote ovih malih vrijednih bića!

